

亥 23

18-443

六科準繩

外科
卷三、四



金壇王肯堂輯

瘦樵程水培校

癰疽部分

靈樞 五臟身有五部 伏兔一 腓二腓者腓也即足肚 背三 五臟俞四 項五 此五部有癰疽者死

王海藏云 腦 鬚 鬢 頤 亦為癰疽必死之處

鬼遺方 不可患癰疽者七處 眼後虛處 頤接骨處 陰根上毛間腠與尻骨接處 耳門前後重接骨處

諸因小腹風水所成癰疽 頤骨下近耳後虛處 鼻骨中 並能害人但以諸法療之或有得瘥惟眼後虛處最

險

背上九處不可病癰 第一入髮際為玉枕亦為古本 第二頸項節 第三椎為崇骨 第四大椎為五藏第

五脊骨兩邊肺俞穴 第六夾脊兩邊脾俞及肝俞 第七脊骨兩邊腎俞二穴 第八後心鳩尾 第九鳩尾骨

穴

正面五處不可患癰 第一喉骨為垂膺 第二當胸為神舍 第三心鳩尾 第四當兩乳穴 第五臍下二寸

為腸屈間

側面三處不可患癰 耳下近耳後牙車尖夾陷中為喉脈一穴 當膊下一穴為肩骨 承山上三寸一穴為臑

腸

上焦發癰為陽是壅塞實候宜解利溫涼湯藥去其積熱上攻外即貼消腫逼毒藥如已結定即用發藥候穴破

出其膿毒腫平方貼生肉等藥然後斂合瘡口亦慮外傷風水勿食發風熱醬麵毒物等忌房事

中焦發癰至腰上一節前後心不定所在皆是濕滯候亦乘虛而作不拘大小前起心鳩尾者最要緊近兩腋是虛

處兩脇肋下臍至上及臍下兩旁一二十發癰填氣伏硬難潰膿為此等處偏難發穴穴後難合瘡口並須先用煖
內藥服後用熱藥貼令軟和慢慢破穴不得急破急破即朝夕出膿不住緩慢破穴即一頓出膿易為將息後心者
惟有十一椎脾俞下十四椎上為腎俞腎俞下為腰俞兩處起癰者防毒氣內攻為此處皆是至虛處凡有癰起先
須補內氣令實方可故破內氣實則不內攻且易得潰惟腰腿兩處多成漏疾須預防之節慾尤為先務也
下焦發為流注虛損候前陰股兩處起如鷄卵大長橫指內初起腫核結塊後四畔浮腫相併伏硬色青黑先用和
平藥內服三五日後用發軟散及罨藥罨令軟即穴穴後其瘡口即隨指子內作長瘡瘡口破宜急用抽毒膏出膿
膿盡便貼合瘡口藥為此處無肉可壞更不須長肉也

右靈樞鬼遺諸書所言部分甚悉今已散采入各條矣其經絡所屬及引經之藥已見首卷分經絡篇其初中後
內消外治之法及表裏虛實之別則當於腫瘍潰瘍門求之今世專科方士所詭以為祕傳之書圖寫形像分別
名目以立治法者多不足憑此中亦有鬼采者如或問之類姑以廣聞見耳不必泥也

頭部

百會疽

或問百會穴生疽何如曰此名玉頂發初如麥米頓增痛楚寒熱大作由虛陽浮泛宜以鹽湯下八味丸引火歸源
甚則黑錫丹或元氣素厚六陽經受風邪風火相扇臟腑熱毒上攻而然者宜黃連消毒兼飲玉樞丹勝金丹更以
附子切片置湧泉穴灸五壯以泄其毒七日無膿者死

頂門癰

或問頂門生癰何如曰此屬太陽經風熱所致一名佛頂疽穴名上星由臟腑陰陽不調熱毒上壅而成宜服活命
飲加苓連梔子薑本清熱之劑及紫金丹烏金散奪命丹汗之虛者十全大補湯加羌活稍遲潰爛黑陷惡證多服

大神昏二便閉結者不治

額疽

鬼遺方云左額右額發去疽不拘大小狀如桃李急宜藥貼破見膿無害右額角一處發毒疽及惡癰為近太陽穴如腫滿太陽即成虛損為近穴而難消不可破如破後傷外風水即能害人亦宜用藥潰膿後速斂合瘡口如經冬月即成冷瘡緣此處近太陽穴上至額角都為險處 或問當額生疽何如曰此屬陽明胃積熱宜服活命飲加升麻桔梗羌活酒水酒煎服壯實者一粒金丹下之老弱者十全大補湯或十宣散黃者內託散託之過時潰爛腦髓出者死

太陽疽

鬼遺云左右太陽穴或發疽癰及癰五七日不潰毒氣流入眼眶攻眼眼合不開用藥貼破破後慎外風水所入即損其睛症損眼瞼而成大疾 或問兩太陽生疽何如曰此名勇疽亦名腦發疽屬足陽明胃經狀如伏鼠寒熱併作面目浮腫宜活命飲加升麻桔梗烏金散十一日刺得黃白膿者生清稀黑血者及潰爛透腦者死

鬚疽

鬚疽屬手少陽三焦相火是經少血多氣尤忌見膿若妄加針灸必至不起余見之屢矣 薛新甫以為屬肝膽二經怒火或風熱血虛所致若發熱作渴者用柴胡清肝散腫痛甚者用仙方活命飲若大勢已退餘毒未散用參耆歸朮為主佐以川芎白芷金銀花以速其膿膿成仍用參耆之類託而潰之若欲其生飢收斂脾虛者六味丸血虛者四物加參耆或血燥或水不能生木者用四物湯六味地黃丸氣虛者用補中益氣湯皆當滋其化源為善 一老腫痛發熱膿清作渴脈軟而濡此氣血俱虛也欲補之彼見作渴發熱乃服降火之劑果作嘔少食復求治投六君子湯四劑嘔止食進仍用補藥月餘而愈

補例以上

一人患病痲痛作腫發熱以小柴胡湯加連翹金銀花天花

粉四劑而消 一人因怒後鬢際腫痛發熱以小柴胡湯加連翹金銀花天花粉四劑根畔俱消惟瘡頭作痛以仙方活命飲二劑痛止膿熟針之更以託裏消毒藥而愈 一人腫痛寒熱拘急脈浮數以荆防敗毒散二劑表證悉退更以託裏消毒散潰之而安 一人炊腫痛甚發寒熱服十宣散愈熾診之脈數而實此表裏俱有邪也以荆防敗毒散加芩連大黃二劑少愈更以荆防敗毒散四劑而消 俞黃門年踰三十冬患鬢毒腫炊煩躁使祕脈實此膽經風熱壅上也馬氏曰瘡瘍熱實不利者大黃湯下之一劑便通瘡退更以荆防敗毒散二劑十宣散去桂加天花粉數劑而愈 一人頭面炊腫作痛時伸冬脈弦緊以託裏溫經湯汗之而消 趙宜人年踰七十鬢疽已潰炊腫痛甚喜冷脈實便祕東垣云煩躁飲冷身熱脈大精神昏悶者臟腑實也以清涼飲二劑腫痛悉退更以託裏藥三十餘劑而平

〔注〕前疽雖出少陽少之分然證與脈皆屬於實故年壯者用瀉劑之重老年者用瀉劑之輕若拘以年老或守其經禁而投以補劑實實之禍難免矣以上瀉例

侍御朱南皋愚前證腫痛發熱日晡尤甚此肝膽二經血虛火躁也用四物湯加元參柴胡桔根多草治之而愈又因勞役發熱畏寒作渴自汗用補中益氣湯去柴胡升麻加五味麥門炮薑而痊 州守胡廷器年七十患前證腫炊作痛頭目俱脹此腎水不足肝膽火盛而血燥也用六味丸料四劑瘡頭出水而愈後因調養失宜仍腫痛煩熱喘渴脈洪大而虛此脾胃之氣傷也用補中益氣以補脾胃用六味地黃丸以補腎肝而痊以上瀉例

柴胡清汗散 治鬢疽及肝膽三焦風熱怒火之證或項胸作痛或瘡毒發熱

柴胡

山梔炒各一錢五分

黃芩炒

川芎

人參各一錢

連翹

桔梗各八分

甘草五分

右水煎服

髮際瘡

髮際瘡

鬼遺云左右髮際起如粟米頭白肉赤熱痛如錐刺此疾婦人患多丈夫患少始因風濕上攻髮際亦宜出膿無傷或問髮際生瘡何如曰此名髮際瘡也狀如茨實漫腫寒熱或痛或癢者髮際疽也此由風熱上雍所致宜服防風通聖散紫金丹奪命丹汗之

癩頭瘡

丹防風通聖散為末酒浸焙乾凡三次食後白湯調服日三服至頭有汗效

世濃煎鹽湯洗三五日一洗用一上散傳之年久亦愈神效

丹用好紫霄炭燒通紅入水淬之又淬以水熱為度取所淬之水日日洗之使熱毒宣發而愈外以胡荽子伏龍

肝懸龍尾屋梁黃連白礬為末調傳又服酒炒通聖散效一方單用黃連末傳之亦效或問頭上生瘡狀如葡萄

痛甚久而無膿何如曰名鬚毛瘡治法全上必須詳驗其瘡若中陷而四畔高起色如黃蠟者廣瘡也

松脂膏 治頭瘡經年不瘥

松脂

黃連去鬚各七錢半

黃芩

苦參各一兩

蛇床子二錢半

大黃

白礬

枯名半兩

水銀一兩半

胡粉

半兩合水銀入少許水同研令無星為度

右為細末研勻用臘猪脂調傳瘡上

貝母膏

治頭禿瘡

貝母

半夏生

南星

五倍子

白芷

黃柏

苦參

各二錢半

號丹煨一錢半

雄黃一錢

右為細末先以蜂房白土苦參大腹皮荆芥煎湯重洗拭乾即

用蜜水調傳兩三次後乾擦藥

加味平胃散 治一切惡瘡頭上瘡

右平胃散入膩粉清油調傳之甚妙



蜈蚣散 治頭上生瘡俗曰粘瘡

海蜈蚣錢

白膠香

輕粉各半

為細末研勻先用清油潤瘡後摻藥只一上可矣

治頭極不瘰癧生瘡方

鵝鴿糞五合

右以好醋和膏煮兩三沸日兩三次塗之

腦疽

〔鬼遺〕正腦上一處起為腦癰及腦疽腦鑱並在大椎骨上入髮際生腦癰皮起易得破穴急破急由膿不害腦疽皮厚難得破穴須急發內毒使破穴方可 腦鑱一處初起如橫木掘上起頂門下止大椎發腫如火燒其色青黑如靴皮大硬不見膿即損外皮如犬咬去肉之跡難愈 靈樞云陽氣大發消腦溜頂名曰腦鑱其色不樂腦項痛如以鍼刺煩心者死不可治

〔詳〕腦屬足太陽膀胱經積熱 或濕毒上湧 或陰虛火熾 或腎水虧損陰精消涸 初起腫赤痛甚煩渴飲冷脈洪數而有力乃濕熱上湧當用黃連消毒散并隔蒜灸以除濕熱 漫腫微痛渴不飲冷脈洪數而無力乃陰虛火熾當用六味丸及補中益氣湯以滋化源 若口舌乾燥小便頻數或淋瀝作痛乃腎水虧損急用加減八味丸及前湯以固根本引火歸經 若不成膿不腐潰陽氣虛也四君加歸者 不生肌不收斂脾氣虛也十全大補湯 若色黯不潰或潰而不斂乃陰精消涸名曰腦癰為不治若攻補得宜亦有可愈治者審焉

元好問記曰予素飲酒於九月中患腦之下項之上出小瘡後數日腦項麻木腫勢外熾瘍醫遂處五香連翹湯至八日不下而云不可速療十八日得膿出用藥或砭刺三月乃可平四月如故予記醫經云凡瘡不見膿九死一生果如醫言則當有束手待斃之悔乃請李明之診且謂膏梁之變不當投五香事已無及當先用火攻之策然後用藥以大艾炷如桃核許者攻之至百壯乃痛覺次為處方云是足太陽膀胱之經其病逆當反治脈中得弦緊按之

積熱扶風
濕虛

洪大而數又且有力必當伏其所主而先其所因其始則同其終則異可使破積可使潰堅可使氣和可使必已必先歲氣無伐天和以時言之可收不可汗經與病俱禁下法當結者散之鹹以要之然受寒邪而禁鹹諸苦寒為君為用甘寒為佐酒熱為因用為使以辛溫和氣血大辛以解結為臣三辛三甘益元氣而和血脈滲淡以導酒濕扶持秋令以益氣瀉火以入本經之藥和血且為引用既以通經為主用君以黃芩黃連黃柏生地黃知母酒製之本經羌活獨活藁本防風防己當歸連翹以解結黃耆人參甘草配諸苦寒者三之一多則滋榮氣補土也生甘草瀉腎火補下焦元氣人參橘皮以補胃蘇木當歸尾去惡血生地黃補血酒製防己除膀胱留熱澤瀉助秋令去酒之濕熱凡此諸藥必得桔梗為舟楫乃不下沈投劑之後煩當不痛不折食進體健予如言服之投牀大鼾日出乃寤以手捫瘡腫減七八至瘡痂都斂十四日而已世醫用技豈無取效者至於治效之外乃能歷數體中不言之秘平生所見惟明之一人而已

方名黃連消毒飲見本條

一人素不慎起居飲食飲赤腫痛尺脈洪數以黃連消毒散一劑濕熱頓

除惟腫硬作痛以仙方活命飲二劑腫痛悉退但瘡頭不消投十宣去桂加金銀花藁本白朮茯苓陳皮以託裏排膿彼欲全消自製黃連解毒散二服反腫硬不作膿始悟仍用十宣散加白朮茯苓陳皮半夏腫少退仍去桂入四劑而膿成腫勢亦退繼以八珍湯加黃耆五味子麥門冬月餘膿潰而愈夫苦寒之藥雖治陰證尤當分表虛實次第時宜豈可始末悉用之然然腫赤痛尺脈數按之則濡乃膀胱經濕熱壅盛也故用黃連消毒散以解毒除濕顧腫硬作痛乃氣血凝滯不行而作也遂用仙方活命飲以散結消毒破血也其瘡頭不消蓋因熱毒重蒸氣血凝滯而然也宜用甘溫之劑補益陽氣託裏以腐潰之況此證原屬腎脈經因虛火盛而出若不審其因專用苦寒之藥胃氣已傷何以腐化收斂幾何不致於敗耶凡瘡易消散易潰腐易收斂皆氣血壯盛故也一人腦疽已十餘日面目腫閉頭嫩如斗脈洪數煩燥飲冷此膀胱濕熱所致用黃連消毒散二劑次飲槐花酒二盞頓退以指按下腫則復起此膿已成於顙額眉頰各刺孔膿並涌出口目始開更以託裏藥加金銀花連翹三十餘劑而愈一人

患腦疽勢劇脈實用黃連消毒散不應以金銀藤二兩水二鍾煎一鍾入酒半盃服之勢去三四再服漸退又加黃柏知母小蓐當歸甘草節數劑而潰止加黃耆川芎白芷桔梗數劑而愈 一婦年將七十形實性急好酒腦疽發五日脈緊急又瀉急用大黃酒煨細切酒拌炒為末又酒拌人參炒入薑煎調一錢服過兩時再與得卧而上半身汗睡覺病已失此亦內託之意 按此治因性急因好酒煎因其脈而制此方脈緊急且瀉由性急嗜酒以傷其血而然故用大黃以洩酒熱人參以養氣血也 杜清碧病腦疽瘰之不能丹溪往視之曰何不防風通聖散曰已服數劑丹溪曰合以酒製之清碧乃自悟以為不及二婦腦左腫痛左鼻出膿年餘不愈時或掉眩如坐舟車許叔微曰肝虛風邪襲之然也以川芎一兩當歸三錢羌活旋覆花細辛防風蔓荊子石膏藥本荊芥穗半夏麩乾地黃甘草各半兩每服一兩一料而愈 按此條認作肝虛風邪襲之受之刺因其掉眩痛偏於左也經曰諸風掉眩皆屬肝木入病偏左乃肝膽所主又曰風從上而治以去風清以養血法服之及曰無痰不成眩暈又曰肝藏血又曰風乃陽邪故方以風熱痰血而主治者理也 一老患此色赤腫痛脈數有力與黃連消毒散二劑少退更與清心蓮子飲四劑而消 一婦人冬間患此腫痛熱渴余用清熱消毒藥潰之而愈次年三月其舌腫大遍身發疔如葡萄每不計其數手足尤多乃脾胃受毒也先各刺出血血隨服奪命丹七粒出臭汗瘡熱益甚便秘二日與大黃各連連各三錢升麻白芷山柅薄荷連翹各二錢生甘草一錢水煎三五沸服之大小便出臭血甚多下體稍退乃磨入犀角汁再服古本及齒縫出臭血諸毒乃消更以犀角地黃湯而愈

黃連消毒飲

黃連五分

黃芩五分

黃柏五分
酒洗

人參五分

知母四分
酒炒此以苦寒引用通經為君

羌活一錢

獨活五分

防風五分

薑本五分

連翹一錢
此以大辛解本經之結為臣

黃耆一錢

甘草五分
此以甘溫配諸苦寒者

當歸身一錢
酒洗

生地

黃一錢
酒洗此以辛溫之味和血補血

陳皮五分
補胃氣

甘草梢五分
生此以甘寒瀉腎火之邪補下焦元氣

澤瀉七分
分滲淡導酒濕扶助秋令

防己五分
酒洗除勝熱留熱

當歸梢 五分

蘇木 五分去惡寒

桔梗 一錢使諸藥不下沈為舟楫之用

凡所用之藥用酒洗併入酒煎者用酒熱為因為

使 右俱作一服水三盞煎減一半去滓入酒少許再煎食後溫服投劑之後不得飲水必再作服效遲初患之日者服之立效凡瘡皆陰中之陽陽中之陰二證而已東垣治疽陽藥七分陰藥三分名曰昇陽益胃散老人宜之亦名復煎散或加沒藥乳香各一錢 右東垣論膏梁肉食之變治宜苦寒不宜芳香者如鮮裹條撮屢內消升麻湯孫真人單煮大黃湯皆為富貴肉食之輩論也

羌活當歸湯 治腦疽

黃芩

黃連 酒炒

當歸身 酒浸

炙甘草 各一兩

羌活

黃柏 酒浸

連翹 各五錢

澤瀉

獨活

藁本 各三錢

防風

黃柏 酒浸 梔子仁 各五錢

右咬咀分作四服水一小盞先浸一時許入酒一匙煎至八分去渣大溫服食後日二服和渣計六服三日服盡去渣清藥調下後檳榔散

檳榔散 檳榔為細末將羌活當歸湯調下

陳錄判母年七十餘於冬至後腦出疽形可甌面大衆瘍醫診視俟瘡熟以鍼出膿因管待妻瘡輒內陷四一韭葉許面色青黃不澤四肢逆冷汗出身清時復嘔吐脈及沈細而遲蓋緣衰老之年嚴寒之時病中苦楚飲食淡薄已滌肥濃之氣獨存瘦悴之形加之暴怒精神愈損故有此寒變也病與時同與瘍醫議速製五香湯一劑加丁香附子各五錢刺盡瘍復大發隨證調治而愈內經云凡治病必察其下謂察時下之宜也諸痛癢瘡瘍皆屬心火言其常也如瘡盛形羸邪高痛下始熱終寒此反常也固當察時下之宜而權治故曰經者常也法者用也醫者意也隨所宜而治之可收十全之功矣按此條年老冬寒理宜溫補茲用五香湯加丁附以辛散何也蓋因其怒氣鬱結阻滯陽陽則鬱散陽復疽乃大發此亦氣不得榮運致疽四陷且脈極沈細而遲其為氣鬱可知矣故用五香以開結丁附以助陽因其性因其脈而為之治也 錦衣葉夫人患腦疽口乾舌燥內服清熱外敷寒涼色黯不炊胸中氣噎證屬陽

氣虛寒彼疑素有疫火不受溫補詳以參耆各五錢薑桂各二錢一劑頓然腫潰又用大補藥而愈

一人膿將成微痛蕙渴尺脈大而無力此陰虛火動之證彼謂心經熱毒自服清涼降火藥愈熾復求治乃以四物湯加黃柏知母五味麥門黃耆及加減八味丸渴止瘡潰更以託裏藥蕙前丸而愈

一婦人年踰八十腦疽已潰發背繼生頭如粟許脈大無力此膀胱經濕熱所致脈無力血氣衰進託裏消毒藥數服稍可更加參耆雖起而渴此血氣虛甚以參耆各一歸兩半各五錢麥門五味各一錢數服渴止不潰加肉桂十餘劑膿成針之瘡肉漸腐徐徐取去而膿清不斂投十全大補湯加白飯貝母遠志三十餘劑稠而愈設不峻補不去腐肉以渴為火投以涼藥寧免死哉瘡疽之證雖屬心火當分表裏虛實果元氣充實內有實火寒劑即可責效若寒涼過度使胃寒脾弱陽證變陰或結而不潰或潰而不斂陰陽乖戾水火交爭死無日矣一人腦疽作渴脈雖洪按之無力予咬咀加減八味丸與之彼不信自用滋陰等藥七忌併至而殁精要曰患疽雖云有熱皆因虛而得之愈後作渴或先渴後疽非加減八味丸不能治一人患腦疽發熱口渴醫用苦寒藥膿水益多發熱益甚面目赤色唇舌燥裂小便淋痛晝夜不寐死在反掌請詳治之乃以加減八味丸料加參耆歸朮來冬甘草煎服之熟睡半日覺來諸證悉退不數劑而瘡愈薛曰病雖愈當固其本元彼不經意且不守禁次年患中風後患背疽而歿

一老人膿清兼作渴脈數而濇予以為氣血俱虛用八珍湯加黃耆五味彼不信乃服降火之劑果反作嘔少食始信服香砂六君子湯回劑嘔止食進仍投前湯月餘而愈一人未潰兼作渴尺脈大而無力以四物湯加黃柏知母黃耆麥門四劑而渴減又與加減八味丸渴止瘡潰更用託裏藥蕙前丸而愈

一人頭項俱痛雖大潰腫痛益甚兼作渴煩燥不睡飲食少思其勢可畏診其脈毒尚在與仙方活命飲二劑腫痛退半與二神丸及六君子湯加五味麥門酸棗仁四劑諸證少退食頗進睡少得及與參苓白朮散數服飲食頗進又與十全大補湯加金銀花白芷桔梗月餘瘡

〔鬼遺〕赤色疽發頭額及腦前并手掌中十日不穴者死七日可刺出赤血七日未有膿不可治也不穴者不作穴而東攻西擊也
疔疽發鬢鬚及兩耳不穴十五日死可刺其膿色黑如豆豉或見血者死

鬼遺云鼻下一處人中兩處為發鬚此多因摘鬚外入風而結攻作不常寒熱相併此亦害人 或問兩腮及鼻下
焮腫生瘡惡血淋漓何如曰此名疔疽屬陽明胃經三日口噤如痙角弓反張按之如疔釘著骨痛不可忍是也急
服烏金散活命飲加桔根升麻梔子壯實者一粒金丹下之稍緩則毒攻心嘔吐不食昏迷躁亂譫語者死 或問
地角上生癰何如曰是名鬚毒屬足陽明經風熱所致用活命飲加苓連元參梔子桔梗以清熱壯實者一粒金丹
下之若撼之有根肌肉不仁或麻或癢寒熱大作煩悶嘔逆者疔也

顴瘍

或問顴骨內卒然而痛經宿而痛甚寒熱大作何如此顴骨肉疽也屬上焦與陽明經鬱火所致宜活命飲加升麻
桔梗乾葛水酒煎服仍與烏金散奪命丹汗之可消 或問一人年五十忽顴骨上初覺如松子漸大如胡桃不甚
腫微赤微癢或云痰核或云結毒或作瘤治何如曰皆非也是名顴疽屬陽明經積熱所致用紫金丹烏金散活命
飲加製過南星服之而消 按靈樞曰心病者顴赤又曰腎病者顴黑然則當察其色赤者宜以黃連安神丸
降心火補心丸養心血黑者宜以地黃丸滋腎水未可專委之陽明鬱火也

頰瘍

或問頰腮生瘡何如曰此名金腮瘡初如米粒漸大如豆久而不治潰蝕透頰屬陽明經初宜勝金丹活命飲加升
麻桔梗黃連消毒散選用壯實者一粒金丹下之治不得法潰爛不斂口吐臭痰喘急神昏者死

犀角升麻湯 治陽明經絡受風熱口唇頰車鬢鬚腫痛及鼻額間連頭痛不可開口言語飲食亦相妨

犀角七錢半

川升麻半兩

防風

黃芩各三錢半

香白芷

白附子



川芎 各三錢半

羌活 三錢一字

生甘草 一錢半

右咬咀都作一服水五盞煎至三盞半去滓分作三服一

日一服訖其證必減如臟腑有些滯不妨足陽明胃經也經云腸胃為市又云陽明多血多氣胃之中脘膈五味無所不納如市廛無所不有也六經之中血氣俱多腐熟飲食之毒聚於胃故此方以犀角為主飲食之毒陽明經絡環唇挾口起於鼻交額中循頰車上耳前過客主人循髮際至額顙昔王公患此一經亦以升麻佐之餘藥皆除風熱升麻黃芩專入胃經故用有效

發頤 疳腮

或問腮臉生毒何如曰此名腮頤發肌肉浮而不著骨者名疳腮俱屬陽明風熱所致急服活命飲加元參各連水酒煎服及紫金丹汁之 或問顙骨之下顙頤之上耳前一寸三分發疽何如曰此名發顙古云不治之證屬陽明經熱毒上攻宜活命飲加升麻桔梗黃連水酒煎服紫金丹奪命丹汁之壯實者一粒金丹下之老弱者十全大補湯黃耆內託散人參養榮湯若治不得法延及咽噎潰爛穿口不食者死嘗見一婦人患此證經水適至一醫聞之嘔逆不食而死又一人患此醫用點藥潰爛臭穢以致虛火上升吐血痰謔語而死薛疳腮屬足陽明胃經或外因風熱所乘或內因積熱所致若腫痛寒熱者白芷胃風湯內熱腫痛者升麻黃連湯外腫作痛內熱口乾者犀角升麻湯內傷寒涼不能消潰者補中益氣湯發熱作渴大便秘結者加味清涼飲表裏俱解而乃腫痛者欲作膿也託裏散若飲食少思胃氣虛弱也六君子湯肢體倦怠陽氣虛弱也補中益氣湯膿毒既潰腫痛不減熱毒未解也託裏消毒散膿出而反痛氣血虛也人參內託散發熱膿熱陰血虛也八珍湯忌寒熱熱氣血俱虛也十全大補湯若腫炊痛連耳上者屬手足少陽經當清肝火若連頤及耳後者屬足少陰經虛火當補腎水患此而有不治者多沉風熱執用剋伐之藥耳 按素問云腎熱者頤先赤故頤屬足少陰腎經也而今醫師以耳後一寸三分發銳毒者名曰發頤則是少陽分野薛氏亦以為屬足少陰經當補腎水者何也蓋腎為相火之宅宅完且固而火得歸息

焉則治腎正所以治少陽也此證傷寒汗出不澈者多患之亦有雜證客熱久而不散而發於頤者宜以藥速消散之失治成膿則費手矣若又服剋伐之藥而不滋補其氣血即穿口穿喉而死 一人年逾三十夏月熱病後患此毒積日不潰氣息奄奄飲食少思大便不禁診脈如無經曰脈息如無似有細而微者陽氣衰也齊氏曰飲食不入大便滑利腸胃虛也以六君子加炮薑肉豆蔻破故紙數劑泄少止食稍進更加黃柏當歸肉桂漬而膿水清梳前藥每服加熟附一錢數劑泄止食進膿漸稠再以十全大補湯加酒炒芍藥白斂月餘而愈 地官陳用之服發散之劑寒熱已退腫痛不消此血凝滯而欲作膿也用託裏消毒散而膿成又用託裏散而潰但膿清作湯乃氣血虛也用八珍加麥門五味三十餘劑而愈 上舍盧懋樹患此而尺脈數證屬腎經不足誤服消毒之劑致損元氣而不能愈余用補中益氣六味丸料而痊 上舍熊棟卿頤後患之膿清體瘦遺精盜汗晡熱口渴痰氣上湧久而不愈脈洪大按之微細屬腎氣虧損所致遂用加減八味丸料並十全大補湯而愈 一婦人素內熱因怒耳下至頸腫痛寒熱此肝膽經火燥而血虛用柴胡梔子散而腫痛消用加味逍遙散而寒熱退用八珍湯加丹皮而內熱止連翹敗毒散 治發頤初腫服此消之

羌活中

獨活中

連翹上

荊芥中

防風中

柴胡中

升麻下

桔梗中

甘草下

川芎中

牛蒡子

新瓦上炒 研碎用中 當歸尾 酒洗

紅花 酒洗

蘇木下

天花粉中 右用水一鍾好酒一鍾同煎至一鍾去滓徐徐溫服如未消加

穿山甲 蛤粉炒 腫至面者加香白芷 一錢 漏蘆 五錢 如大便燥實者加酒浸大黃 半錢 壯者倍用之凡內有熱或寒熱

交作者倍用柴胡加酒洗黃芩 錢 酒炒黃連 錢

加味消毒飲子 治搭腮腫

防風

荊芥

連翹

牛蒡子

羌活

甘草 各等 右為粗

末水煎三兩服散毒然後用藥塗腮腫處切不可先使用藥塗毒氣入喉不救

內託消毒散 治發頤有膿不可消者已破未破服之

人參中

黃耆上

防風中

白芷中

川芎中

當歸中

桔梗中

連翹中

升麻中

柴胡中

金銀花中

甘草節中

右用本一鍾好酒一鍾同煎一鍾去滓徐徐溫服瘡破者以元武膏貼之四圍赤腫不退者仍以藥塗之兼服

蠟礬丸最妙

消毒救苦散 消腫散毒用米醋調塗傳四圍留頭如乾即又傳

黃芩中

黃芩

黃柏

黃連

芙蓉葉

太劇根

白芨

白芨

天南星

半夏

紅花

檀花

當歸尾

赤小豆

白芷各一錢半

朴硝

雄黃各研末以一方用見腫消草上各一錢

生白芨白斂土大黃生大薊根野苧麻根共搗成餅入朴硝一錢和勻貼腫上留頭勿貼如乾即換之若更加山

慈姑金線重樓根尤妙

百合散 治頤頰瘡一名獨骨瘡

百合

黃柏各一錢

白芨二錢

葶麻子五十粒研右為末用朴硝水作餅貼之日三五次

二金散 治大人小兒蝕透腮頰初生如米豆名含腮瘡

雞內金

鬱金

右等分為末先用鹽漿盪漱然後貼之

芙蓉傳方 治頤頰腫痛或破成瘡

芙蓉葉不拘多少

右搗爛傳之以帛紮定日一換



神效方 治疥癩及癰疽發背瘡癰等證

赤小豆為細末以新汲水調敷瘡上及四邊赤腫處乾則再敷之

面瘡

或問面遊風毒何如曰此積熱在內或多食辛辣厚味或服金石剛劑太過以致熱壅上焦氣血沸騰而作風陽明經初覺微癢如蟲蟻行搔損則成瘡痛楚難禁宜服黃連消毒散去人參加薄荷梔子及活命飲加桔梗升麻紫金丹烏金散選用外用祛風潤肌之劑敷之

治面部生瘡或鼻臉赤風刺粉刺用盡藥不效者惟此藥可治神妙不可言每以少許臨臥時洗面令淨如面油用之數日間瘡腫處自平赤亦自消如風刺粉刺一夕見效仍塗藥勿近眼處

生硫黃

香白芷

永嘉仁

膩粉各半錢

金蝎七枚

蟬蛻五枚洗

芫青七枚去足翅

右為細末麻油黃蠟約度如合面之法火熬溶取下離火入諸藥在內每用少許塗面上

山面瘡水調平胃散塗之

干治臉上熱瘡涎出以蒲黃傳上瘡

東洗面藥方治面有黥點或生瘡及粉刺之類并去皮膚燥癢垢膩潤澤飢膚

皂角

三斤去皮弦子另搗

糯米一升二合

萊豆

八合揀淨另搗

楮實子

五兩

三素子

縮砂連皮半兩

白芨

二兩肥者剉

甘松七錢

升麻子半兩

白丁香

五錢臘月收揀淨

右七味同為細末訖和萊豆糯米

粉及皂角末一處攪勻用之效

面油摩風膏

麻黃五錢

升麻

防風各二錢

當歸身

白芨各一錢

羌活去皮兩



白檀香 五分 右以縣裏定前藥於銀石器中用油五兩同熬合度澄清去渣以黃臘一兩再熬為度
鑿肌如玉散

白丁香 白蔹藜 白牽牛 白薇 白薇 各 小薇 各

香白芷 七錢 當歸梢 升麻 各半 楮實子 四錢 白茯苓 三錢 白附子 半錢

麻黃 去節二錢 連翹 半錢 右為細末每用半錢多洗少之

塗野黯不令生瘡

豬苓 麻黃 桂枝 白蔹藜 白附子 連翹

防風 香白芷 白薇 當歸身 升麻根 白薇 右等分

為細末洗面用之臨臥唾調少許塗面上

〔肘〕 瘡面多黯如雀卵色以殺羊膽一酒升二煮三沸塗拭之三日瘡治面上粉刺搗兔絲子絞汁塗之

〔竹〕 白附丹 治男子婦人面上黑斑點

白附子 一兩 白芨 白薇 白茯苓 蜜陀僧 白石脂

定粉 各等分 右為細末用洗面藥洗淨臨臥用人乳汁如無用牛乳或鷄子清調和丸如龍眼大逐旋用溫漿

水磨開傳之

白附子散 治面上熱瘡似癰或生赤黑斑點

白附子 蜜陀僧 茯苓 白芷 定粉 各等 右為末先用蘿蔔煎湯洗面淨後用羊乳調至夜敷患處次

早洗去效

祛風白芷散 治面上風癰瘡

